

26

00-26

1

## Mekgwa ya borapedi bja kgale

1. Bogolo-golo batho ba be ba rapêla Modimo ka badimo. Modimo o be o le gôna o tsebja, yo bopileng batho le diphôôfôlô. Lebitšô la ôna ba re ke Hwebeane-a-hodi-a-hôrô. Diphôôfôlô tša naga di be di bitšwa kgomo tša gagwê. Ba re ke yêna a bopileng dithaba le mehlare, dilô kamoka tšeo re di bônang di dirilwe ke yêna. Ba be ba mo rapêla ka badimo e leng batswadi ba bôna ba hwileng. Lelokô le lengwê le le lengwê le be le na'le badimo ba lôna. Motho yo mogolo ge a hwile ba re o gorogile, ba gabô ba mmiditše.
2. Ditetekwane le mahwama ao re a bônang le lehono ga se ôna badimo, ke batseta ba išang ditaba badimong. Badimo bôna ba di iša go Modimo. Mathomong a ngwaga o mongwê le o mongwê ge go longwa dijô tše difsa, go apewa mabjalwa, gwa tšewa le tšôna dijô tšeo tše bjale ka marôtsê le tše dingwê tša išwa badimong, ba begêlwa ya ba gôna di ka lewang. Pele ga mowe ga ba thome, o tla kwa ba re ga se ra loma. Ge ba rapêla ba be ba thôma ka yo mogolo ba feleletša ka yo monyenyanane.
3. Ditetekwane tše ge motho a ka di senya kapa a di nyefola o ba le molato o mogolo. Ge motho a tshwenyêga a sa bone bana, mme ngaka ge e laola ya re go gana badimo, o be a botša bagolo ba gagwê, ba bitšana ka melokô ya bôna ba ya mabitleng, ba mo rapêlêla mme badimo ba mo robalêla a atlêga. Badimong ba be ba e-ya le phôôfôlô, ya tllhabja, ba gaša lebitla la kgoši ka madi le mešwang, le nama ba e sêgê ba e tlogêlê, ke kabêlô ya badimo. Motho ya babjang o beêlwa pheko ke ngaka, pheko ye go rapêlwa ka yôna badimo, e tšhireletša molwetši baloi le malwetši ka maatla ao e a fiwang ke badimo ka gobane e bewa ka taêlô ya bôna ga e bewe fêla.
4. Ngaka ge e alafa motho e rapêla badimo babo yôna gore ba e thuše e atlêgê mošomong wa yôna. Ngaka ye e swanetše go fa badimo kabêlô ya seo e se humanang ka bongaka, go seng bjalo ba tla e galefêla ba e tlhokiša matlhatse, mohlomong a ba a fetêlwa ke

1 malwetši ao a a alafang. Ka mokgwa yowe, ngaka e re ke dihlare tšešu le badimo, mme ge e alafa batho e tumiša badimo babo yôna. Ngaka e be e tšea dillô tša batho go di iša badimong, bôna ba di fetišetša go Modimo goba ba dula le Ôna. Ngaka e be e se na maatla a go dia selô ka ntlê le tumêlêlô ya badimo. Dintwa le masolo le matšema ge a tla laolwa go kgopêlwa bôna, mme ba ba dumêlêla.